

ՀԱՇՎԵՏՎՈՒԹՅՈՒՆ

ՀՀ ԲԱՐՁՐ ՏԵԽՆՈԼՈԳԻԱԿԱՆ ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐԻ ԱՌԱՋԻՆ ՏԵՂԱԿԱԼ ԳԵՎՈՐԳ ՄԱՆԹԱՇՅԱՆԻ ՀՆԴԿԱՍՏԱՆԻ ՀԱՆՐԱՊԵՏՈՒԹՅՈՒՆ (Ք. ՊՈՒՆԻ) ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը, զբաղեցրած պաշտոնը.

Գևորգ Մանթաշյան,

ՀՀ բարձր տեխնոլոգիական արդյունաբերության նախարարի առաջին տեղակալ:

2. Գործուղման վայրը և ժամկետները.

Հնդկաստանի Հանրապետություն (քաղաք Պունի), 2023թ. հունիսի 11-ից 13-ը:

3. Հրավիրող կողմը.

Հնդկաստանի Հանրապետության (այսուհետ՝ Հնդկաստան) էլեկտրոնիկայի և տեղեկատվական տեխնոլոգիայի նախարարություն:

4. Գործուղման նպատակը.

Մասնակցություն ս.թ. հունիսի 12-ից 13-ը Հնդկաստանում (ք. Պունի) «G20 Digital Economy Working Group» հանդիպման շրջանակում կայացած «Գլոբալ թվային հանրային ենթակառուցվածք» գագաթնաժողովին, ինչպես նաև «ՀՀ բարձր տեխնոլոգիական արդյունաբերության նախարարության և Հնդկաստանի էլեկտրոնիկայի և տեղեկատվական տեխնոլոգիայի նախարարության միջև թվային փոխակերպումների համար բնակչության մասշտաբով իրականացված հաջող թվային լուծումների փոխադարձ տրամադրման ոլորտում համագործակցության մասին» Փոխըմբռնման հուշագրի ստորագրում և Հնդկաստանի էլեկտրոնիկայի և տեղեկատվական տեխնոլոգիայի նախարարության հետ համագործակցության նոր ուղիների վերհանում:

5. Քննարկված թեմաները.

Այցի շրջանակում կայացած հանդիպումների ընթացքում քննարկվել են երկկողմ և բազմակողմ համագործակցության հնարավորությունները, ոլորտային զարգացման նպատակով համատեղ ծրագրեր իրականացնելու ներուժն ու հեռանկարները:

6. Հանդիպումները, ելույթները, բարձրացված կամ քննարկված հարցերը.

Հնդկաստան այցի ընթացքում ս.թ. հունիսի 12-ին ՀՀ բարձր տեխնոլոգիական արդյունաբերության նախարարի առաջին տեղակալ Գևորգ Մանթաշյանը մասնակցել է [«Գլոբալ թվային հանրային ենթակառուցվածք» գազաթնաժողովի բացման արարողությանը](#), հանդես եկել ողջույնի խոսքով:

Ս.թ. հունիսի 12-ին Գևորգ Մանթաշյանը հանդիպել է Հնդկաստանի էլեկտրոնիկայի, տեղեկատվական տեխնոլոգիաների և հմտությունների զարգացման ու ձեռներեցության պետական նախարար Շրի Ռաջև Չանդրասեխարի հետ: Քննարկվել են մի քանի ուղղություններով ռազմավարական համագործակցության հնարավորությունը, մասնավորապես՝

- արհեստական բանականություն,
- քվանտային տեխնոլոգիաներ,
- կիսահաղորդիչների արտադրություն,
- տեխնոլոգիաների փոխանցման կենտրոնի հիմնում:

Պայմանավորվածություն է ձեռք բերվել շարունակել քննարկումները համագործակցության օրակարգի և ճանապարհային քարտեզի ձևավորման նպատակով և ընտրել միայն մեկը:

Միջոցառման շրջանակներում Գևորգ Մանթաշյանը հանդիպումներ է ունեցել մի շարք միջազգային խոշոր ընկերությունների, ոլորտային նախարարությունների և կազմակերպությունների ներկայացուցիչների հետ, մասնավորապես՝ «NeGD»-ի նախագահ և գործադիր տնօրեն, «DIC India» ընկերության գործադիր տնօրեն Աբիշեկ Սինգի, Քենիայի Հանրապետության տեղեկատվության, հաղորդակցության և թվային տնտեսության նախարարության քարտուղար Էլիուդ Օ. Օվալոյի, Տանզանիայի Միացյալ Հանրապետության տեղեկատվության, կապի և տեղեկատվական տեխնոլոգիաների նախարարության մշտական քարտուղարի տեղակալ Մոհամմեդ Խամիս Աբդուլլայի, «Sahamati» ընկերության համահիմնադիր և գործադիր տնօրեն ԲիՋի Մահեշի, «GFCE» ընկերության համաշխարհային համագործակցության ղեկավար Վուտեր Վենստրայի, «ONDC» կազմակերպության գործադիր տնօրեն և գլխավոր

գործադիր տնօրեն Տի Կոշինի, «JISA» կազմակերպության գործադիր տնօրեն Իշա Օսվալի, «ISPIRT» ընկերության քաղաքականության իրականացման գործադիր Հարշիտ Կաշուիայի, «eGov Foundation» ընկերության փոխտնօրեն Անումիտա Ռաջի, «eGov Foundation» ընկերության աճի և գործընկերության փոխնախագահ Վարուն Բասուի, Հնդկաստանի սոցիալական ձեռնարկատեր, «Tiny Monkey Stage» ընկերության հիմնադիր Սուդարշան Մահաջանի և «HDFC» LTD-ի բիզնեսի զարգացման թիմի անդամ Սուրաջ Մորիի հետ:

Քննարկվել են բարձր տեխնոլոգիաների և թվայնացման ոլորտներում երկկողմ և բազմակողմ համագործակցության ընդլայնման, ոլորտային զարգացման նպատակով համատեղ ծրագրեր իրականացնելու ներուժն ու հեռանկարները, ինչպես նաև հնդկական ընկերությունների համար Հայաստանի ներդրումային գրավչության բարձրացման, երկու պետություններում գործող ընկերությունների միջև համատեղ ձեռնարկատիրական ներուժի զարգացման և փորձի փոխանակման հնարավորությունները:

Ս.թ. հունիսի 12-ին «Գլոբալ թվային հանրային ենթակառուցվածք» գազաթնաժողովի շրջանակում ՀՀ բարձր տեխնոլոգիական արդյունաբերության նախարարի առաջին տեղակալ Գևորգ Մանթաշյանը հարցազրույց է ունեցել Հնդկաստանում գործող [«DD India»](#) պետական լրատվական ծառայության, ինչպես նաև «ANI South Asia's leading Multimedia News Agency» լրատվական գործակալության հետ: Հարցազրույցում Գևորգ Մանթաշյանն ընդգծել է երկու պետությունների միջև համագործակցության կարևորությունը, ներկայացրել ստորագրված Փոխըմբռնման հուշագրի շրջանակում փոխգործակցության հնարավորությունները, շեշտել թվային հանրային ենթակառուցվածքի (DPI) ոլորտում Հնդկաստանի հաջողված փորձի փոխանակման անհրաժեշտությունը:

«Գլոբալ թվային հանրային ենթակառուցվածք» գազաթնաժողովի շրջանակում ս.թ. հունիսի 13-ին Գևորգ Մանթաշյանը, որպես նախագահող մասնակցել է [«Թվային փաստաթղթերի փոխանակում արդյունավետ ծառայությունների մատուցման համար»](#) պանելային քննարկմանը, ներկայացրել պետության գործառույթները թվային փոխակերպման իրականացման գործընթացում: Ընդգծվել է թվայնացման ոլորտում պետությունների միջև փորձի փոխանակման կարևորությունը, թվային փոխակերպման, տեխնոլոգիաների ազդեցությունը հասարակական կյանքի տարբեր ոլորտների վրա:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Ս.թ. հունիսի 12-ին Հնդկաստանում (ք. Պունի) կայացած «Գլոբալ թվային հանրային ենթակառուցվածք» գազաթնաժողովի շրջանակում [ՀՀ բարձր տեխնոլոգիական արդյունաբերության նախարարության և Հնդկաստանի Հանրապետության էլեկտրոնիկայի և տեղեկատվական տեխնոլոգիայի նախարարության միջև ստորագրվել է «Թվային փոխակերպումների համար բնակչության մասշտաբով իրականացված հաջող թվային լուծումների փոխադարձ տրամադրման ոլորտում համագործակցության մասին» Փոխըմբռնման հուշագիր:](#)

Հուշագիրը ստորագրել են ՀՀ բարձր տեխնոլոգիական արդյունաբերության նախարարի առաջին տեղակալ Գևորգ Մանթաշյանը և Հնդկաստանի Հանրապետության էլեկտրոնիկայի և տեղեկատվական տեխնոլոգիայի նախարարության գլխավոր քարտուղար Ալկեշ Կումար Շարման: Համաձայն հուշագրի՝ կողմերն արտահայտում են իրենց պատրաստակամությունը՝ ընդլայնելու համագործակցությունը երկու երկրների միջև ինստիտուցիոնալ համագործակցության խթանման, տեխնիկատնտեսական հիմնավորման, արդիականացման գնահատման և թվային փոխակերպման լուծումների իրականացման ոլորտներում:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Այցի ընթացքում պայմանավորվածություններ են ձեռք բերվել՝ շարունակելու քննարկումները համագործակցության ընդլայնմանն ուղղված ծրագրեր իրականացնելու վերաբերյալ:

9. Ստորագրությունը, ամսաթիվը.



ԳԵՎՈՐԳ ՄԱՆԹԱՇՅԱՆ

19.06.2023թ.